



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

Nr.302/ 22

Në bazë të nenit 105 pika 1 dhe 2 dhe nenin 108/A të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/ L-068, i plotësuar dhe ndryshuar me Ligjin 05/ L-092, neni 4 Rregullat e paraqitjes së kërkesës për rishqyrtim pran autoriteti kontraktues, parashtrimi të ankesave pran OSHP-së, dhe vlera e tarifave të ankesave, si dhe nenin 17 paragrafi 3 i Rregullores së Punës së OSHP-së nr. 01/2020, me numër të protokollit 83/2020, pas shqyrtimit të ankesës së operatorit ekonomik (në tekstin si më poshtë OE) “PRINCI COMPANY” SH.P.K. me adresë Rr. Ilaz Kodra Pn. Prishtinë, lidhur me aktivitetin e prokurimit “Asgjesimi i barnave me afat te skaduar për QKMF- Hani i Elezit ” me numër të prokurimi: 659-22-3885-2-3-6, iniciuar nga autoriteti kontraktues (në tekstin si më poshtë AK) Komuna Hani i Elezit , Kryesuesi i Sekretariatit të Organit Shqyrtues të Prokurimit z. Ardian Behra me datën: 04 GUSHT 2022 mori këtë :

VENDIM

- I. **Hedhet si e jashtafatshme** ankesa e OE “PRINCI COMPANY” SH.P.K. me adresë Rr. Ilaz Kodra PN Prishtinë me numër të protokollit 302/2022 , lidhur me aktivitetin e prokurimit “Asgjesimi i barnave me afat te skaduar për QKMF- Hani i Elezit ” me numër të prokurimi: 659-22-3885-2-3-6, iniciuar nga AK Komuna Hani i Elezit.

- II. **ILEJOHET** autoritetit kontraktues – Komuna Hani i Elezit , që të vazhdoj më tutje me aktivitetin e prokurimit “Asgjesimi i barnave me afat te skaduar për QKMF- Hani i Elezit ” me numër të prokurimi: 659-22-3885-2-3-6, iniciuar nga AK Komuna Hani i Elezit, përkitazi me këtë ankesë (nëse nuk ka ankesë tjetër).
- III. Ankesa e operatorit ekonomik ankues nuk mund të shqyrtohet, pasi që e njëjta nuk është proceduar sipas nenit 108/A dhe 109 të LPP-së si dhe nenin 9 të Rregullat e paraqitjes së kërkesës për rishqyrtim pran autoriteti kontraktues, parashtrimi të ankesave pran OSHP-së, dhe vlera e tarifave të ankesave , operatorit ekonomik ankues sipas nenit 31 pika 4, të Rregullores së Punës së OSHP-së, i kthehet tarifa e ankesës.
- IV. **Obligohet**, OE ankues që konform nenit 31 pika 6 të Rregullores të Punës së OSHP-së, në afat prej gjashtëdhjetë (60) ditësh të bëjnë kërkesë për kthim të sigurimit të ankesës, në të kundërtën iu bëhet konfiskimi i depozitës, dhe këto mjete kalojnë në Buxhetin e Republikës së Kosovës.

ARSYETIM

Organi Shqyrtues i Prokurimit në sistemin elektronik ka pranuar ankesën e parashtruar nga ana e OE “PRINCI COMPANY” SH.P.K. me adresë Rr. Ilaz Kodra Pn. Prishtinë me datën: 01.08.2022 në ora 16:12 minuta.

Organi Shqyrtues i Prokurimit ka analizuar ankesën e parashtruar nga OE “PRINCI COMPANY” SH.P.K. me adresë Rr. Ilaz Kodra Pn. Prishtinë me numër të protokollit 302/2022 , lidhur me aktivitetin e prokurimit “Asgjësimi i barnave me afat te skaduar për QKMF- Hani i Elezit ” me numër të prokurimi: 659-22-3885-2-3-6, iniciuar nga AK Komuna Hani i Elezit dhe bazuar në verifikimin e shkresave të lendes si dhe sqarimet që janë dhënë nga zyrtaret kompetent që verifikojnë platformën e-prokurimit, kjo ankesë rezulton të jetë e jashtafatshme sepse:

Vendimi i AK-së B58 Njoftimi për dhënie te kontratës me Letrën Standarde nga AK janë publikuar me date:15.07.2022. Kundër këtij vendimi OE ankues me datën 20.07.2022 ka parashtruar kërkesë për rishqyrtim në AK.

Me datën 22.07.2022 ne ora 09:30minuta AK merr vendim me te cilin e refuzon kërkesën për rishqyrtim te OE ankues.

Kundër vendimit te datës 22.07.2022, OE ankues me datën 01.08.2022 ne ora 16:12 minuta parashtron ankesë në Organin Shqyrtues të Prokurimit ankesë kjo e cila protokollohet me numër te protokollit 302/2022.

Organi Shqyrtues i Prokurimit konstaton se duke pas parasysh faktin se AK ka publikuar vendimin mbi kërkesën për rishqyrtim me datën: 22.07.2022, afati ligjor për ankesë për OE ankues në Organi Shqyrtues të Prokurimit ka filluar të rrjedhë nga data: 23.07.2022, duke filluar nga ora 08:00 deri në orën 16:00 dhe ky afat ligjor ka përfunduar me datën: 01.08.2022 në ora 16:00. Andaj duke pas parasysh faktin se OE ankues ka parashtruar ankesë në OSHP përmes e-prokurimit me datën 01.08.2022, në ora 16:12 minuta, konsiderohet se OE ankues ketë ankesë e ka dorëzuar në ditën e 11 (njëmbëdhjetë) sepse e njëjta është me dt. 01.08.2022 pas orës 16:00. Andaj konstatojmë se ankesa e lartcekur hedhet si e jashtëafatshme sepse OE ankues ka humbur afatin ligjor prej 10 ditëve për parashtrim të ankesës në OSHP, (duke pas përsysh faktin se dita e publikimit apo e njoftimit llogaritet dita 0).

Organi Shqyrtues i Prokurimit sqaron se neni 5 i LPP-së specifikon :

Kalkulimi i afateve kohore

1. Afatet kohore të këtij ligji duhet të fillojnë në një ditë pune dhe të përfundojnë në një ditë pune. Afati kohor i shkon deri në 16:00 në ditën e skadimit. Autoriteti kontraktues mund të vendosë që të caktojë një kohë tjetër me kusht që ai është jo më herët se në ora 12:00 të ditës së skadimit.

Të shtunave, të dielave dhe festave zyrtare do të llogariten gjatë kalkulimit të afateve kohore. Megjithatë, kur dita e fundit e afatit bie në një të shtunë, një të diel ose në një festë zyrtare afati kohor do të zgjatet për të përfshirë ditën e parë të punës pas kësaj

Organi Shqyrtues i Prokurimit konstaton se OE ankues ankesën me numër te protokollit 302/2022, e ka parashtruar në kundërshtim me neni 109 të LPP-së sepse neni 109 i LPP-së specifikon:

Afatet për Dorëzimin e Ankesës

1. Kundër çdo vendimi të marrë nga autoriteti kontraktues në përputhje me rrethanat e nenit 108/A çdo palë e interesuar mund të parashtrojë ankesë pranë OSHP-së. Ankesa

duhet të dorëzohet vetëm pas udhëheqjes së një procedure paraprake për zgjidhje të mosmarrëveshjes në përputhje me nenin 108/A të këtij ligji.

2. Ankesa pranë OSHP-së duhet të dorëzohen brenda dhjetë (10) ditëve pas vendimit të lëshuar nga autoriteti kontraktues në procedurën paraprake të zgjidhjes së mosmarrëveshjes në përputhje me nenin 108/A të këtij ligji.

Po ashtu edhe neni 9 paragrafi 1 të Rregullat e paraqitjes së kërkesës për rishqyrtim pran autoriteti kontraktues, parashtrimi të ankesave pran OSHP-së, dhe vlera e tarifave të ankesave specifikon: Ankesa pranë OSHP-së, duhet të dorëzohet vetëm pas udhëheqjes së një procedure paraprake për zgjidhje të mosmarrëveshjes dhe të dorëzohet brenda dhjetë (10) ditëve pas vendimit të lëshuar nga autoriteti kontraktues në procedurën paraprake të zgjidhjes së mosmarrëveshjes në përputhje me nenin 108/A të LPP-së.

Prandaj duke u nisur nga sqarimet e dhëna si më lart OSHP konstaton se ankesa e parashtruar në OSHP nga OE "PRINCI COMPANY" SH.P.K. me adresë Rr. Ilaz Kodra Pn. Prishtinë me numër të protokollit 302/2022, lidhur me aktivitetin e prokurimit "Asgjesimi i barnave me afat të skaduar për QKMF- Hani i Elezit" me numër të prokurimi: 659-22-3885-2-3-6, iniciuar nga AK Komuna Hani i Elezit, hedhet si e jashtafatshme sepse ankuesi ka parashtruar ankesë në OSHP në kundërshtim me nenin 108/A dhe 109 të LPP-së si dhe nenin 9 të Rregullat e paraqitjes së kërkesës për rishqyrtim pran autoriteti kontraktues, parashtrimi të ankesave pran OSHP-së, dhe vlera e tarifave të ankesave, andaj duke u bazuar në sqarimet e dhëna si më lart e njëjta ankesë nuk hynë në shqyrtim nga OSHP.

Kryesuesi i Sekretariatit të OSHP-së, duke u bazuar në atë që u tha si më lartë, vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës themelore-Departamentit për çështje Administrative në afat prej 30 ditësh nga data e pranimi të këtij vendimi.

Vendimi t'i dorëzohet:

1x1 AK – Komuna Hani i Elezit;

1x1 OE "PRINCI COMPANY" SH.P.K. me adresë Rr. Ilaz Kodra Pn. Prishtinë

1x1 Arhivës së OSHP-së;

1x1 Për publikim në web- faqe të OSHP-së

Kryesuesi i Sekretariatit të OSHP-së

Ardian BEHRA